

SESIÓN ORDINARIA CELEBRADA POLO PLENO DO CONCELLO O DÍA
29 - XULLO - 2009

ORDE DO DIA

- 1.- APROBACIÓN DA ACTA DA ÚLTIMA SESIÓN.
- 2.- ACHEGA DE RESOLUCIÓN DA ALCALDÍA DE DATA 08.07.09, SOBRE NOMEAMENTO DO CONCELLEIRO D. JOSÉ GARCÍA MÍGUEZ, MEMBRO DAS COMISIÓNS INFORMATIVAS. O
- 3.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.
- 4.- MODIFICACIÓN DO ORDINAL 2 DO ACORDO PLENARIO DO 17.07.08, RELATIVO Á PLANTA DE FORMIGÓN HORMIGONES VIGO, S. L.
- 5.- APROBACIÓN CONTA XERAL DO CONCELLO DE REDONDELA, CORRESPONDENTE AO EXERCICIO DO ANO 2007.
- 6.- ACTIVIDADE DE CONTROL DO PLENO:
 - 6.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 6.2.- MOCIÓNS.
 - 6.2.1.- MOCIÓN DO GRUPO MUNICIPAL DO PARTIDO POPULAR SOBRE CONSTRUCCIÓN DA ROTONDA DE RANDE.
 - 6.2.2.- MOCIÓN DO GRUPO MUNICIPAL DO PARTIDO POPULAR SOBRE SINALIZACIÓN E COORDINACIÓN DO TRÁFICO NA RÚA JOSÉ FERNÁNDEZ LÓPEZ.
 - 6.3.- COMPARECENCIA DO CONCELLEIRO D. EDUARDO REGUERA OCAMPO.
 - 6.4.- ROGOS E PREGUNTAS.

Na Casa do Concello de Redondela, sendo as vinte trinta horas do día vintenove de xullo de dous mil nove, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, actuando como Secretario Acctal., o técnico de administración xeral, D. BERNARDO SOTO LÓPEZ, constitúese o Pleno do Concello, en sesión ordinaria, conforme á convocatoria e de acordo coa Orde do Día.



(Sinatura do Presidente)

Folio N.º

Serie A N.º 2237105

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

O Sr. Alcalde propón alterar a orde do día da sesión, no senso de tratar o punto 6.3 con anterioridade ao 6.2. O Pleno do Concello non formula observacións.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinteun votos a favor (8 do PSdeG-PSOE, 8 do PP, 3 do BNG, e 2 do PG), acorda prestar aprobación ao acta da sesión celebrada con carácter ordinario o día 29 de xuño de 2009.-

2.- DAR CONTA DE RESOLUCIÓN DA ALCALDÍA DE DATA 08.07.09, S/ NOMEAMENTO DO CONCELEIRO D. JOSÉ GARCÍA MÍGUEZ, MEMBRO DAS COMISIÓN INFORMATIVAS.-

Dada conta da seguinte Resolución da Alcaldía de data 8 de xullo de 2009, que transcrita dí:

Visto o acordo do concello pleno de data 9 de xuño de 2009, polo que se acepta a renuncia da concelleira do grupo municipal do PSdeG-PSOE, DONA. ISABEL CASTRO PIEDRAS.

Visto así mesmo, o acordo do indicado órgano de goberno de data 29 de xuño de 2009, de toma de posesión de D. JOSÉ GARCÍA MÍGUEZ, como concelleiro polo grupo municipal do PSdeG-PSOE.

"Visto o escrito do voceiro do grupo municipal do PSdeG-PSOE, D. Emilio González Iglesias, designando ao Sr. García Míguez, como representante nas comisións informativas permanentes da que formaba parte a concelleira cesante, esta alcaldía de acordo coa lexislación vixente, ven

R E S O L V E R

1º).- Nomear a D. JOSÉ GARCÍA MÍGUEZ, **vogal** das seguintes Comisións Informativas:

URBANISMO
MEDIO AMBIENTE
SERVICIOS SOCIAIS E IGUALDADE
PARTICIPACIÓN CIDADÁ E NORMALIZACIÓN LINGÜÍSTICA

2º).- Nomear a D. JOSÉ GARCÍA MÍGUEZ, **Vicepresidente** da Comisión Informativa de CULTURA.

3º).- Nomear a D. JOSÉ GARCÍA MÍGUEZ, **Presidente** da Comisión Informativa de INDUSTRIA, COMERCIO, EMPREGO E DESENVOLVEMENTO LOCAL.

4º).- Dar conta ao Concello Pleno da presente resolución, na primeira sesión que celebre.-"

O Concello Pleno, quedou enterado da resolución transcrita.-

3.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.-

Infórmase dos seguintes expedientes administrativos de modificación de crédito:

8/09, aprobado por Decreto da Alcaldía de data 26.06.09, mediante xeración de crédito, por importe de 5.000,00 euros.

9/09, aprobado por Decreto da Alcaldía de data 06.07.09, mediante xeración de crédito por importe de 269.275,89 euros.

Non se formulan observacións e o Pleno do Concello queda informado dos expedientes administrativos de modificación de crédito anteriormente relacionados.-

4.- MODIFICACIÓN DO ORDINAL 2 DO ACORDO PLENARIO DO 17.07.08, RELATIVA Á PLANTA DE FORMIGÓN HORMIGONES VIGO, S. L.-

ANTECEDENTES.-

Ditame da Comisión Informativa de Urbanismo de data 27 de xullo de 2009, que transcrito di:

"Pola Presidencia dase conta da proposta da Alcaldía de data 23.07.09 que transcrita di:

Vista a sentenza n° 132/2009, dictada polo Xulgado do Contencioso-Administrativo n° 1 dos de Vigo, pola que se estima parcialmente o recurso interposto por D. JOSÉ MANUEL CRESPO CASTRO, seguido como proceso especial para a protección de dereitos fundamentais número 1/2008, contra o acordo do Pleno do Concello de data 17 de xullo de 2008, polo que se acordou:

"1. Iniciar expediente para a declaración de lesividade da resolución desta Alcaldía do pasado 2 de xuño anulando a licenza de apertura e posta en funcionamento dunha planta para fabricación de formigón en Millarada- Villar de Infesta 136A outorgada pola Comisión de Goberno do Concello a HORMIGONES VIGO SL o 21.12.1998 por entender que, non obstante o acatamento do ditame vinculante do Consello Consultivo de Galicia do 14 de marzo pasado, a mesma pode infrinxir o ordenamento xurídico ao non concorrer no acto administrativo anulado os requisitos esixidos polo artigo 62.1 da LRXAP.

2. Suspende en tanto se sustancie o procedemento de declaración de lesividade os efectos da citada resolución de conformidade co previsto no artigo 104 da mesma lei a expensas do que resulte do expediente por entender que da mesma poderían resultar perxuízos de imposible ou difícil reparación .

3. Facultar ao Alcalde para realizar as actuacións necesarias para o desenvolvemento do expediente."

Esta Alcaldía, coa finalidade de que se dé cumprimento á devandita sentenza, ao Pleno do Concello, previo dictame da Comisión Informativa de Urbanismo,

PROPÓN

Modificar o ordinal 2 do acordo anteriormente transcrito que quedará redactado nos seguintes termos:

Suspende, de conformidade co previsto no artigo 104 da LRXPAC, en tanto non se sustancie o procedemento de declaración de lesividade, os efectos da citada resolución no referido exclusivamente á actividade diurna da planta (a comprendida entre as 8:00 e as 22:00 horas), manténdose a paralización e cese



(Sinatura do Presidente)

Folio N.º

Serie A N.º 2237106

total da actividade no horario nocturno (entre as 22:00 horas e as 8:00 horas do día seguinte), así como en todo caso, entre as 14:00 horas do sábado e as 8:00 horas do luns seguinte.

Intervencións

(...)

Votación e Ditame

A comisión informativa de urbanismo, en votación ordinaria, e por maioría absoluta dos seus membros, sendo 6 votos a favor (4 do PSdeG-PSOE e 2 do BNG) e 5 abstencións (4 do PP e 1 do PG) estimou oportuno ditaminar favorablemente a proposta transcrita."

INTERVENCIÓNS.-

O concelleiro Sr. Bastos Fernández anuncia a abstención do seu grupo e indica que non queremos pechar a nadie e tampouco que os veciños sufran as consecuencias do ruído producido pola actividade da planta.

O concelleiro sr. Pazos Couñado dí que considera innecesario a adopción de acordo por canto a sentenza tense que acatar, pero que non obstante votarán a favor da proposta.

O Sr. Alcalde dí que é da mesma opinión.

VOTACIÓN E ACORDO.-

Sometido o asunto a votación, o Pleno do Concello, en votación ordinaria e por maioría dos/as Sres./as Concelleiros/as asistentes, sendo dezanove votos a favor (8 do PSdeG-PSOE, 8 do PP e 3 do B.N.G.) e dúas abstencións (2 do P.G.), aprobou, nos seus propios termos, o ditame da Comisión Informativa de Urbanismo, nos antecedentes transcrito.-

5.- APROBACIÓN CONTA XERAL DO CONCELLO DE REDONDELA, CORRESPONDENTE AO EXERCICIO DO ANO 2007.-

ANTECEDENTES.-

Considerando que en data 25 de maio de 2009 foi dictaminada favorablemente a aprobación da conta xeral do Concello de Redondela e os seus organismos autónomos administrativos, correspondente ao exercicio do ano 2007.

Considerando que trala publicación do correspondente anuncio no Boletín Oficial da Provincia de Pontevedra nº 109 de data 10 de xuño de 2009, cumprindo o disposto no artigo 212.3 do Real Decreto Legislativo 2/2004 do 5 de marzo polo que se aproba o texto refundido da Lei reguladora das Facendas Locais, non se formulan reclamacións en relación á devandita conta xeral.

INTERVENCIÓNS.-

A Concelleira Sra. Canal Gómez manifesta que debería asistir a sesións a Sra. Interventora dada a importancia do tema a tratar, expresando a súa disconformidade pola súa ausencia. De seguido di que esta Conta Xeral debería terse presentada a principios do mes de xuño do pasado ano o que significa que se achega cun ano de retraso.

Solicita que o asunto quede sobre a mesa e indica que a Conta Xeral se refire á da propia entidade, faltando a de Radio Redondela, como xa indica no seu informe a Interventora municipal, polo que solicita que o voceiro do BNG explique esta circunstancia.

Sinala que a ausencia da Interventora lle implide facerlle unhas preguntas no referente ao capítulo de gastos, por canto ten observado que nuns lugares figuran unhas cifras e noutros que deberían ser coincidentes, outras distintas, entendendo que as contas ofrecen un desfase bastante importante.

O Concelleiro Sr. González Iglesias di que a ausencia da Sra. Interventora é como consecuencia do disfrute do seu regulamentario período vacacional. Indica que non está, pero que deixou o seu informe por escrito. Dí que a Sra. Canal estivo presente na xuntanza da Comisión Especial de Contas e que non formulou ningunha observación. Fai referencia a que o informe da Interventora é favorable cunha recomendación sobre Radio Redondela, a cal será atendida.

O Sr. Pazos Docampo dí que non ten inconveniente en presentar as contas de Radio Redondela, non téndose feito por canto non ten constancia de que alguén llo solicitara. Indica que ninguén cobra por estar no Consello de Administración de Radio Redondela, e que pasará as contas, non tendo nada que ocultar.

A Conselleira Sra. Canal Gómez da lectura a diversos cadros económicos que figuran nas contas e di que éstas non lle cadran, que as contas non lle dan, polo que terá que falar cos servizos económicos para aclarar estas cuestións. Finalmente di que o informe da Interventora recomenda prudencia, transparencia, etc...e que se presenten as contas de Radio Redondela. Remata solicitando que o asunto quede sobre a mesa.

O Concelleiro Sr. González Iglesias dille á Sra. Canal que le unha parte do informe e omite a seguinte, e que en ningún sitio deste se di que non hai prudencia nin transparencia, e faille a observación de que durante o goberno do Partido Popular, do que vostede formaba parte, só se fixo unha rendición de contas con resultado negativo.

Remata dicindo que unha cousa é o capítulo de gastos previstos e outra o resultado final, que o aforro neto hai que saber calculalo e que o Concello de Redondela é dos menos endeudados da Provincia.

VOTACIÓN E ACORDO.-

Sometida a votación a solicitude formulada pola voceira do grupo municipal do Partido Popular referida a deixar o asunto sobre a mesa, a mesma acadou o seguinte resultado: once votos en contra (8 do PSdeG-PSOE e 3 do BNG), dúas abstencións (2 do PG) e oito votos a favor (8 do PP). Na súa consecuencia o Pleno do Concello, en votación ordinaria e por maioría dos/as Sres./as concelleiros/as asistentes, rexeitou a solicitude de referencia.

Sometido o asunto a votación, o Pleno do Concello, en votación ordinaria e por maioría dos/as Sres./as Concelleiros/as asistentes, sendo once votos a favor (8 do PSdeG-PSOE, e 3 do B.N.G.), dúas abstencións (2 do P.G.), e oito votos en contra (8 do PP), aprobou, a conta xeral correspondente ao Concello de Redondela e os seus organismos autónomos administrativos do ano 2007.-

6.- ACTIVIDADE DE CONTROL DO PLENO:

6.1.- DAR CONTA DE RESOLUCIÓN DA ALCALDÍA E CONCELEIROS DELEGADOS.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 25 de xuño ao 21 de xullo de 2009.-



(Sinatura do Presidente)

Folio N.º

Serie A N.º 2237107

6.3.- COMPARECENCIA DO CONCELLEIRO D. EDUARDO REGUERA OCAMPO.-

O Concelleiro Sr. Pazos Couñago da lectura o seguinte escrito:

"Ante a pasividade amosada polo Goberno Municipal respecto ao problema de tráfico que ven sufrindo a nosa vila nas derradeiras datas, o grupo municipal do Partido Popular, solicita:

A comparecencia no Pleno do Concello do Concelleiro de tráfico, para explicar o contido das medidas adoptadas polo goberno en relación ao asunto descrito."

INTERVENCIÓNS

O Concelleiro Sr. Reguera Ocampo expresa a súa satisfacción por térenlle solicitado a súa comparecencia e poder dar as pertinentes explicacións.

De seguido formula a seguinte pregunta: derradeiras datas dende cando? Antes de iniciarse as obras de humanización da rúa José Regojo ou despois de iniciadas?

Acto seguido dí que mantivo xuntanzas co xefe da Policía Local para estudar a implantación da correspondente sinalización e as alternativas ao tráfico, adoptándose a tal efecto dous tipos de medidas:

- Unha tendente a restrinxir a circulación de vehículos polo casco urbán.
- Outra para informar aos condutores con dirección ó Porriño - Vigo

Para acadar a primeira das finalidades instaláronse, con anterioridade ao inicio das obras de humanización, paneis informativos, con fondo amarelo, en Amoedo, rotonda de Vilavella e Alto dos Valos, indicativos das vías alternativas.

Para a efectividade da segunda das medidas adoptadas procedeuse á instalación de carteis informativos na Praza de Ribadavia, Xunqueira e esquina do Concello.

Considera polo tanto que non se pode falar de pasividade e hai que recoñecer que cando se están executando obras prodúcense molestias, como tamén aconteceu cando a humanización das rúas Alfonso XII, Ribera e Xeneral Rubín, pero que as mesmas merecen a pena.

Remata dicindo que se o Sr. Pazos Couñago ten algunha proposta que facer que poida minimizar as molestias que está totalmente aberto para o seu estudo e aplicación.

O Concelleiro Sr. Pazos Couñago, di que me gusta que lle guste o de comparecer ante o Pleno, e con respecto á pregunta do Sr. Reguera referida a desde cando a información di que desde que xurde o problema.

Manifesta que se lle comentaron algunhas medidas, pero nada con respecto a outras de gran importancia como son as relativas a resolver os problemas derivados da falta de aparcamentos, zonas de carga e descarga, acceso aos comercios, etc,...

Considera que o problema do tráfico é continuo ó longo do día e que xa lle foi exposto pola Asociación de Empresarios en términos semellantes aos que agora se expoñen e recorda que fai dous anos xa se tivo o mesmo problema como consecuencia da humanización doutras rúas.

O Sr. Alcalde di que foi con él e co sr. González Iglesias con quen se reuniu a Asociación de Empresarios.

O Concelleiro Sr. Reguera Ocampo fai a consideración de que os problemas de tráfico por motivo de obras existen en todas partes, que aquí soamente son puntuais e nos momentos de atasco non se tarda mais de 5 minutos en percorrer o casco, estimando como suficientes as 700 prazas de aparcamento existentes.

O Sr. Alcalde di que lle manifestou á Asociación de empresarios que se había problemas non dubidaran en ir a falar con el.

O Concelleiro Sr. Pazos Couñago pretende intervir e o Sr. Alcalde dille que non procede por canto quen pecha o turno de intervencións é o Concelleiro comparecente.

O Sr. Pazos Couñago di que por ter partido do seu grupo político a iniciativa de comparecencia correspóndelle o uso da palabra e pechar as intervencións, tal como establece o Regulamento Orgánico da Corporación.

O Sr. Alcalde dille que esa regra soamente rexe para as mocións e non para as comparecencias, e o Sr. Pazos insiste en que está amparado pola normativa aludida para intervir e pechar o asunto, polo que esixe o uso da palabra.

O Sr. Alcalde volve a incidir no anteriormente dito e da por concluídas as intervencións.

6.2.- MOCIÓN.-

6.2.1.- MOCIÓN DO GRUPO MUNICIPAL DO PARTIDO POPULAR SOBRE CONSTRUCCIÓN DA ROTONDA DE RANDE.-

ANTECEDENTES.-

Moción presentada polo Grupo Municipal do Partido Popular no Rexistro Xeral do Concello con data 23 de xullo de 2009, que transcrita dí:

"En fechas recentes hemos podido comprobar como han comenzado a acometerse las obras de construcción de la rotonda de Rande, solución que el Ministerio de Fomento ha adoptado de cara a la solución definitiva de inseguridad vial que los vecinos de la zona vienen sufriendo desde hace ya demasiado tiempo.

Al considerar que el objetivo de esta obra era la mejora de la seguridad vial, el proyecto no ha sido sometido a período de exposición pública, motivo por el cual, los vecinos desconocían la realidad material del mismo, hasta el momento en que ha comenzado la ejecución de las obras. Es en ese momento, cuando los vecinos han comprobado que, para su sorpresa, el conocido como Camiño das Pedriñas, no desembocará en la rotonda, tal y como se había informado a los afectados en un primer momento, conectándose el mismo a la N-552, a través de un vial que confluye con esta carretera nacional en una zona de visibilidad dificultosa.

En caso de que este fuese el diseño definitivo de la rotonda, se estaría obligando a los vecinos de Cabanas que quisiesen dirigirse hacia Chapela, a realizar un giro, bien en esa zona de escasa visibilidad, bien en la cercana gasolinera de Rande, lugares ambos de suma peligrosidad para realizar el cambio de sentido. Precisamente se obligaría a los afectados, a realizar aquellas maniobras que se pretendían evitar con la construcción de la rotonda. No parece razonable que transcurrido tanto tiempo, y gastados tantos millones de erario público la situación de los vecinos de Cabanas fuese exactamente la misma que antes de sus protestas.

El actual diseño de la rotonda evidencia que las propuestas de los vecinos, han servido como excusa para dotar a la salida de la AP-9 en Rande de una solución, sin duda necesaria, que permita a los usuarios el cambio de sentido hacia Chapela, pero no servirá para garantizar la seguridad de los habitantes de Cabanas, que ven frustradas sus expectativas de solucionar este grave problema.

Por todo lo anteriormente expuesto

PROPONGO

Que por el Pleno del Concello de Redondela se tome el acuerdo de elevar una solicitud a la Demarcación de



(Sinatura do Presidente)

Folio N.º

Serie A N.º 2237108

Carreteras, dependiente del Ministerio de Fomento, a fin de que se proceda a modificar el diseño de la Rotonda de Rande, a fin de garantizar a los vecinos de Cabanas una salida una incorporación segura a la N-552".-

INTERVENCIÓN.-

O Concelleiro Sr. Bastos Fernández di que cando vin as máquinas traballando levei unha gran alegría porque agora vamos ter a rotonda que reclamei en numerosas ocasións. Engade que os veciños van a loitar para que a rotonda quede ben e que así vai a quedar porque me informei ao respecto, e polo tanto non entende a moción do PP. e conseguintemente no vai apoiala.

O Concelleiro Sr. Pazos Docampo considera que presentar esta moción é un acto de irresponsabilidade como é a liña habitual do PP. por canto faise un plantexamento falso. A petición veciñal consistía na instalación dun grupo semafórico que permitise a saída dos veciños do Camiño das Pedriñas, e a rotonda créase para unha mellor ordenación do tráfico rodado polo que insta ao indicado grupo político a que vaian a unidade de Estradas de Pontevedra a informarse adecuadamente.

O Concelleiro Sr. González Iglesias ratifícase no manifestado polo Sr. Pazos Docampo e engade que o PP en vez de examinar o proxecto toca de oído, e pretender que o Camiño das Pedriñas conflúa na rotonda significaría cargarse 8 casas.

Di que a rotonda a xestionou o Sr. Alcalde e o grupo semafórico foi unha petición veciñal, e que coa rotonda facilítase a ordenación do tráfico e regúlanse as saídas co grupo semafórico.

O Concelleiro Sr. Pazos Couñago di que non quere que se traslade a rotonda, senón ao contrario, que se manteña onde está; o que se pretende é que o Camiño das Pedriñas saia á rotonda que é o que queren os veciños, e que esta solución é posible e barata, segundo os técnicos consultados.

Indica que os veciños afectados non puideron ter coñecemento do contido do proxecto por non ter sido sometido a información pública e que levaron unha sorpresa ao iniciarse as obras e comprobar que o Camiño das Pedriñas non desembocará na rotonda cando anteriormente tiñan sido informados por técnicos que así sería. Por esta circunstancia preséntase a moción para que de conformidade coa proposta e interese dos veciños, se solicite da Demarcación de Estradas a modificación do deseño da rotonda para que conflúa na mesma o Camiño das Pedriñas.

O Sr. Alcalde di que os veciños pediron semáforos, non rotonda, sendo ésta xestión do equipo de goberno.

O Sr. Bastos Fernández di que el non veu aquí a colleitar aplausos, o único que quere e feitos, e considera as obras unha das melloras que se están a facer.

O Concelleiro Sr. Pazos Docampo di que valora o esforzo do PP. para saír do lío en que se meteu coa presentación da Moción. Entende que a información que se di facilitada aos veciños non foi por técnicos constructivos senón polos encargados do levantamento das actas previas a ocupación os cales non teñen coñecemento das obras que se definen no proxecto constructivo. Estima que tecnicamente non considera viable a solución que se propón debido ao desnivel existente e que se equivocou o PP. ao presentar a moción pola alarma que creou, suscitando un problema onde non o hai.

O Concelleiro Sr. González Iglesias di que o único problema existente era o referido a un veciño e que xa se resolveu.

O Concelleiro Sr. Pazos Couñago di que él si aplaude ao Sr. Bastos, pero que este non entendeu absolutamente nada de todo o que expuxen. Neste intre o Sr. Bastos dille que lle vai a dar unha hostia, e o Sr. Alcalde, con un xesto, ordénalle silencio.

Continuando a súa intervención, o Sr Pazos Couñago manifesta que os veciños afectados lles pediron que fixeran esta petición ao propio tempo que lles indicaron que o equipo de goberno non lles fixo caso e remata sinalando que o encargado da obra, ao que tamén se dirixeron os veciños, non saíba como se van facer lle parece estrano.

O Sr. Alcalde di que o encargado é o encargado, e que o director é un enxeñeiro de camiños. Con respecto aos veciños di que éstos unicamente lle pediron que xestionase a instalación de semáforos.

VOTACIÓN E ACORDO.-

Sometida a votación a moción, o concello Pleno, en votación ordinaria e por maioría dos/as Sres./as concelleiros/as asistentes, sendo trece votos en contra (8 do PSdeG-PSOE, 3 do BNG e 2 do PG) e 8 a favor (8 do PP), rexeitou a moción do grupo municipal do Partido Popular nos antecedentes transcrita.-

6.2.2.- MOCIÓN DO GRUPO MUNICIPAL DO PARTIDO POPULAR SOBRE SINALIZACIÓN E COORDINACIÓN DO TRÁFICO NA RÚA JOSÉ FERNÁNDEZ LÓPEZ.-

ANTECEDENTES.-

Moción do Grupo Municipal do Partido Popular presentada no Rexistro Xeral do Concello con data 28 de xullo de 2009, que transcrita di:

"De todos es conocida la situación que vienen padeciendo las industrias ubicadas en la parroquia de Chapela y más concretamente la que utilizan diariamente para el acceso de sus vehículos de mercancías en la vía denominada RÚA JOSÉ FERNÁNDEZ LÓPEZ.

En la misma se viene notando un malestar, todo ello por las dificultades derivadas de los colapsos de tráfico que se producen a diario debido a los aparcamientos de las automóviles en los laterales de dicha vía, que impiden la maniobrabilidad de los transportes de mercancías.

Siendo conscientes de que el Ayuntamiento tiene la obligación velar por el buen funcionamiento en materia de seguridad vial.

SOLICITAMOS que se adopte el siguiente acuerdo:

- 1- Señalizar dicha vía adecuadamente.
- 2- que un agente de la policía local coordine el tráfico en esa zona y más concretamente en las horas punta, con la finalidad de que dicho problema sea resuelto a la mayor brevedad posible".-

INTERVENCIONES.-

A Concelleira Sr. Canal Gómez di que entendemos como unha prioridade o que se plantexa e como tal debe asumirse e tratarse.

O Concelleiro Sr. Bastos Fernández manifesta que a baixada a Pescanova é un lugar de tráfico conflictivo, existindo na zona tres grandes empresas e unha pequena.

Perécelle correcto que en horas puntas se destine un Policía, pero o que considera necesario e unha rotonda para regular o tráfico. Estima que o asunto hai que estudalo e anuncia a abstención do seu grupo político.



(Sinatura do Presidente)

Folio N.º

Serie A N.º 2237109

O Concelleiro Sr. Pazos Docampo di que as competencias en materia de Policía Local correspóndelles ao Sr. Alcalde ou, no seu caso, ao Concelleiro delegado, pero non ao Pleno do Concello.

O Concelleiro Sr. González Iglesias fai a observación de que a Sra. Canal parece representar os intereses dunha empresa da zona e non os dos veciños. Di que a empresa vela por seus propios intereses e non polos dos cidadáns. Explica que cando xa fai anos a empresa en cuestión fixo este plantexamento se lle indicou a necesidade de poñerse dacordo coas empresas establecidas na zona para variar o sistema de tráfico.

Indícalle ao Sr. Bastos que a instalación da rotonda afectaría aos terreos de dominio público da alameda, en beneficio de empresas privadas e remata facendo a observación de que o segundo punto da proposta de acordo da moción de adoptarse sería nulo de pleno dereito por canto a competencia correspóndelle á Alcaldía.

A Concelleira Sr. Canal Gómez di que é coñecido por todos que diariamente se producen colapsos de tráfico na rúa en cuestión que provocan evidentes molestias entre os usuarios da mesma e dificultan o acceso dos vehículos de mercancías ás industrias ubicadas na zona, polo que considera que esta situación merece unha pronta solución, máxime tendo en conta que as referidas empresas xeneran ingresos para o municipio e numerosos postos de traballo, polo que débesele prestar o apoio que precisen.

O Concelleiro Sr. Bastos Fernández di que a Alameda de Chapela é suficientemente grande para permitir a instalación da rotonda a cal é necesaria pola intensidade do tráfico da zona.

O Concelleiro Sr. Pazos Docampo considera que o fondo da moción xa está debatido.

O Concelleiro Sr. Gozález Iglesias manifesta que este goberno sempre lle deu as máximas facilidades ás empresas ubicadas nesa zona, e aprecia a súa xeneración de emprego, pero que destinar un garda ó día para regular o tráfico é sumamente costoso pola necesidade de establecer turnos. Indica que a solución pasa por poñerse de acordo as empresas interesadas para, xuntamente co Concello, arbitrar as medidas necesarias conducentes a resolver os problemas de tráfico, si ben primando sempre o interés público.

A Sra. Canal Gómez di que hai que manter a ubicación das empresas no municipio e motívalas prestándolle o apoio necesario. Entende que o custe das iniciativas que propón pode conseguirse anulando outros gastos, por exemplo os do préstamo de bicicletas, e que xa que o Sr. Alcalde non fai uso das súas competencias por iso se trae a moción a Pleno.

VOTACIÓN E ACORDO.-

Sometida a votación a moción, o Concello Pleno, en votación ordinaria e por maioría dos/as Sres./as concelleiros/as asistentes, sendo once votos en contra (8 do PSdeG-PSOE e 3 do BNG), dúas abstencións (2 do PG) e oito votos a favor (8 do PP) rexeitou a moción do grupo municipal do Partido Popular nos antecedentes transcrita.-

6.4.- ROGOS E PREGUNTAS.-

O concelleiro Sr. Pazos Couñago, formula as seguintes preguntas:

1.- "La semana pasada, y a través de numerosos medios de comunicación, tuvimos noticia de la visita que realizó a nuestra villa, el Secretario General del PSdeG-PSOE, D. Manuel Vázquez.

Durante su visita el Sr. Vázquez, en referencia al enlace con la A-5, nos deleitó con algunas perlas del tipo "cando o que din os técnicos coincide co que piden os cidadáns representados no seu alcalde, o demais é secundario" olvidando que el trazado que el alcalde defiende ha recibido por parte de los redondelanos, más alegaciones en contra que votos obtuvo el propio alcalde en las pasadas elecciones municipales.

Sin embargo, y dado que volveremos a tratar el asunto relativo a la A-5 en un futuro y no muy lejano pleno, hoy nos preocupa otra circunstancia colateral de la visita del Sr. Vázquez.

En los medios de comunicación, observamos como la rueda de la prensa conjunta que protagonizaron el PSOE local y el Sr. Vázquez se produjo en el despacho de la alcaldía, desconociendo este grupo municipal, cual era el motivo institucional que justificaba el uso de esas instalaciones.

Venimos denunciando desde hace mucho tiempo, la falta de criterio de este gobierno respecto al uso de los bienes públicos, pero su gobierno se empeña una y otra vez en utilizar para fines puramente partidistas, los bienes e instalaciones municipales.

Es por todo esto que venimos a formular la siguiente

PREGUNTA

¿Están las instalaciones de la alcaldía de Redondela a disposición de todos los grupos municipales para la celebración de actos de partido, o solo pueden ser utilizadas por el PSOE?"

O Señor Alcalde di que é rigurosamente falso que o acto público se celebre na Alcaldía si non que tivo lugar na sede do partido, como poderán acreditar os periodistas asistentes ao mesmo.

O sr. Alberto Pazos exhibe unha fotografía publicada nun xornal e o Sr. Alcalde ratifica que o acto público celebrouse na sala do seu partido e que na Alcaldía soio sacaron unha fotografía, e que a Alcaldía está aberta a tódolos partidos políticos municipais.

2.- "El Partido popular ha tenido conocimiento de las quejas que diversos vecinos vienen manifestando debido a lo que consideran una deficiente ejecución de las labores de asfaltado que se han llevado a cabo en la N-555, y más concretamente en la parroquia de San Esteban.

Así, en el Km 3, se aprecia una mala ejecución en el acceso a distintas viviendas, así como a la iglesia parroquial y al cementerio. A ello debemos añadir la falta de señalización de curvas peligrosas y la ausencia de aceras que protejan a los peatones.

Es por todo ello que formula la siguiente

PREGUNTA

¿Qué gestiones ha realizado el Gobierno Municipal para corregir estas deficiencias?".-

Contesta o Concelleiro delegado de vías e obras Sr. Iglesias Carrera que se enviou escrito á Demarcación de Estradas do Estado en Galicia para que subsanen as deficiencias, e o Sr. Alcalde di que se fixeron xestións con Fomento, que nalgúns casos fructifican, como no da rotonda de Rande, aínda que non sempre sexa así.

O concelleiro Sr. Miguel Ángel Álvarez Ballesteros, formula a seguinte pregunta:

3.- " Dende fai varios meses este concelleiro ven solicitando por rexistro e nos plenos o arranxo de roturas e diversas anomalías en distintos camiños do Concello, tales como: Camiño da Pomba, Camiño do Cuco, Camiño Louriña, Rúa Cidadelle,...entre outros, así como a colocación de contenedores novos de recollida de lixo na entrada a Igrexa de Chapela.

Como queira que a día de Hoxe non se deu resposta verbal nin escrita a ningunha das peticións, preguntas ou rogos, volvo a incidir no tema e pregunto o seguinte:



(Sinatura do Presidente)

Folio N.º

Serie A N.º 2237110

¿Por qué non contestan as peticións, rogos ou preguntas expostas por este concelleiro e demais membros da oposición?

E o que aínda é peor

¿Cales son os motivos polos que a día de hoxe aínda non se fixo nada do anteriormente mencionado?"

Contesta o Sr. Iglesias Carrera, Concelleiro Delegado de Vías e Obras, que non hai ningún problema nos camiños.

A concelleira Sra. Laura Alonso Gómez, formula as seguintes preguntas:

4.- " Durante a semana pasada, a organización xuvenil Galiza Nova colocou no noso Concello uns carteis nos que se invitaba á mocidade redondelana a participar nunha marcha ciclista para festexar a posta en funcionamento do servizo de préstamo municipal en bicicletas en Redondela.

En ditos carteis podía ler que a entidade organizadora do evento era Galiza Nova, organización xuvenil dos nacionalistas, e colaboraba o Grupo Municipal do BNG.

Tendo en conta que esta actividade non está vencellada ao Concello nin é algo oficial de dita institución, e querendo pensar que non foi unha nova manipulación e uso partidista das institucións públicas, PREGUNTO:

¿Cal foi exactamente a colaboración prestada dos 3 concelleiros do grupo municipal do BNG nesta actividade?"

Contesta o sr. Pazos Docampo que o que fai o grupo municipal do BNG., sempre que sexan iniciativas lícitas, non se cuestionan nin por o PP. nin por o Pleno.

Asimesmo di que para o préstamo de uso de bicicletas o Concello non pon os cartos, e faise por a proposta da actual xunta.

5.- "Recentemente, a Deputación Provincial de Pontevedra ofertou unha serie de cursos orientados aos xóvenes para realizar durante os meses de setembro, outubro e novembro do presente ano.

O Programa, chamado ACTÍVATE, e cito literalmente, consistía en ofrecerlles unha selección de cursos ós mozos e mozas das nosa Provincia cuxos Concellos, de menos de 50.000 habitantes, se adherisen ao Programa, con idades comprendidas entre os 16 e 35 anos (ambas incluídas).

Tendo en conta que Redondela cumpre co requisito do número de habitantes, que somentes se tiña que facilitar un local para desenvolver os cursos desde o Concello, e tamén tendo en conta que un Concelleiro do Goberno Municipal se atopa na Corporación Provincial e polo tanto forzosamente tiñan no noso Concello que estar ao tanto da oferta deste Programa, PREGUNTO:

¿Cal é motivo polo que o Concello de Redondela non se adheriu ao Programa Actíivate da Deputación Provincial quedando os mozos e mozas redondeláns sen poder desfrutar de ditos cursos?"

O Sr. Alcalde di que no próximo Pleno dará resposta a esta pregunta porque neste momento non ten información ao respecto.

Asimesmo a indicada Concelleira formula o seguinte rogo:

6.- "Tendo observado o cambio de ubicación dos contenedores situados na rúa Ernestina Otero N°17 á altura do supermercado Froiz, impedindo a nova ubicación nunha mínima visibilidade dos veciños de dito inmovible á súa saída do graxe, situado no calexón, e ante as reiteradas reclamacións ao Concello por parte dos veciños pedindo a súa coherente reubicación xunto ás beirarúas e non no medio da calzada como están agora; e tendo en conta sobre todo o perigo que constitúe este obstáculo visual para os condutores nunha zona de moito tránsito,

ROGO:

Que se proceda á retirada dos contenedores da rúa Ernestina Otero ubicados onde se situou anteriormente e se sitúen nunha zona onde non dificulten a visibilidade aos condutores na súa saída do garaxe do edificio n° 17."-

O concelleiro Sr. Pazos Couñago, formula o seguinte rogo:

7.- "En las últimas fechas, la calidad de la limpieza en las calles de Redondela viene experimentando un notable descenso en su calidad. El motivo de esta baja calidad, según nos han manifestado fuentes del propio servicio, es la falta de efectivos debido fundamentalmente a que diversos trabajadores están disfrutando del período vacacional que legalmente le corresponde.

Sin embargo, nos vemos obligados a recordarle que el Gobierno Municipal, que forma parte de sus obligaciones, tomar las medidas necesarias para compatibilizar el disfrute de las vacaciones de los operarios del servicio, con el adecuado nivel de eficiencia en la limpieza de nuestras calles.


Por todo ello, venimos a formular el siguiente

RUEGO

Que por el gobierno municipal se tomen las medidas necesarias para garantizar la adecuada limpieza de nuestras calles, durante el período de disfrute vacacional de los operarios del servicio".-


Pola Presidencia dase por rematada a presente sesión, sendo as dez horas e corenta minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 104 do Papel Timbrado da Comunidade Autónoma de Galicia, Serie A n° 2237104 ata a volta do folio núm.110, Serie A n° 2237110, e todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGONA MERINO GIL